

21. april 2024

UPA2024/102

**Inatsisartut aalajangiiffigisassaattut siunnersuut, Naalakkersuisut peqquneqassasut naalagaaffiup avataani Kalaallit Nunaata sinniisoqarfiinut aningaasartuutit nalilersoqqullugit. Nalilersuineq Inatsisartunut UPA2024 ingerlanerani agguanneqassaaq**

(Inatsisartunut ilaasortaq Jens-Frederik Nielsen, Demokraatit)

Siullermik Siumumiik Jens-Frederik Nielsen, Demokraatit qutsavingerusupparput siunnersuutaanut.

Siumup politikkerivaa pingaarnersiunikkut nunanik allanik suleqateqarnissaq assigiinngittutigullu attaveqatigiinnissaq. Nunani allani aallartitaqarfiit pingaaruteqarput politikikkut, kulturikkut, sillimaniarnikkut, ikioqatigiinnikkut, niueqatigiinnikkut, minnerunngittumillu nunat soqutigisaqatigisaat naapertorlugit angusaqarniarnikkut.

Siumut nalilersortuarpaa nunani allani aallartitarfigut. Nuna naalagaaffittut ineriartortoq aammalu naalagaaffinngornissamut pimoorussisoq pinngitsoorani aallartitaqarfeqartariaqarpoq nunani soqutigisaqarfigisamini.

Siumut isumaqarpoq aallartitaqarfiit assigiinngittutigut nalilersorneqarsinnaasut. Soorlu kulturikkut suliit, avisseqatigiinnerit takussutissaasinnaapput. Politikikkut nunat marluk akornanni isumaqatigiissutit. Sillimaniarnermut, illersornissamullu isumaqatigiissutit tingussaasut nalilersortuarnerisigut. Tamakkualu Siumumiik isumaqarpugut aallartitaqarfitta pitsaasumik ingerlakkaat aammalu ineriartortikkaat.

Aallartitaqarfiit nunanut allanut iluusaartumik attavilersornikkut, oqaluunnikkut paaseqatigiinnermik pilersitsisarput, niueqatigiinnerunissamut aqqutisiuisarput, kulturikkullu aamma paaseqatigiinneq annerusoq pilersinnaasarpaat.

Aallartitaqarfiit nalilersorsinnaapput aningaasaliissutit nalilersorlugit, soorlu EU- mik isumaqatigiissutit, USA- lu illersornissamut tunngasut. NATO- mi sillimaniarnissaq pillugu, Kina- mi aalisakkanik niueqateqarneq allanillu periarfissanik ujaasineq, Island- imi qeqertami qanigisatsinni suleqateqarnerulernissaq allatigullu ataatsimooritsigut iluaqutiginnaasatsinnik aqqqissuussat nalilersornerisigut aammalu aalisarnikkut aaqqiangiinngissutaasinnaasunik nalimmassaasarnikkut.

Siumumiik isumaqarpugut aallartitaqarfigut naammattumik upernarsaatissaqareersut angusat eqqarsaatigissangaanni, ullullu tamaasa sulilluarlutik nunarput nittartaakkaat aammalu tingussaasumik angusarpassuit, naak immaqa ilaai isertortuusinnaangaluit.



Siumumiik siunnersuuteqartoq isumaqatingaarput aallartitaqarfiit pingaaruteqartut, nalilersortuangassaasullu. Isumaqarpugut nalilersuissangutta, aningaasanut inatsimmi aningaasat atortakkangut sapinngisaq tamaat atorluarnerpaasariaqaringut. Taamaammat nalilersuissagutta København- imi aallartitaqarfik aamma annertuumik nalilersuiffiusariaqartoq isumaqarpugut. Taannami tamani anigaarsartuutaanerpaavoq. Nalilersuineq uunga pingaarnertut sammiveqarsorivarput, aningaasaliissutit nalilersornerini aallartitaqarfiusinnaasut allat suut tulleriaarneqassanersut qanorlu aningaasalersorneqassanersut nalilersorneqassasut.

Siumumiik siunnersuuteqartumut qujalluta taamatut oqaaseqarluta Nunanut allanut, sillimaniarnermullu ataatsimiisitaliamut suliassanngorlugu ingerlateqqipparput.

Qujanaq.

Kuno Fencker, Siumut